

21346/P
Q. D. B. V.

DISPUTATIO MEDICA INAUGURALIS

DE

FONTIBUS SOTERIIS
SULPHUREIS,
REUTLINGENSI

ATQUE

BAHLINGENSI,

QUAM

ADSISTENTE GRATIA DIVINA,
EX DECRETO FACULTATIS GRATIOSÆ,

PRÆSIDE

D. ALEXANDRO CAMERARIO,
THEOR. ATQUE PRAX. PROF. ORDIN.

PRO

LICENTIA

HONORES DOCTORALES LEGITIME
CONSEQUENDI

PUBLICO ERUDITORUM EXAMINI
SUBMITTIT

BENEDICTUS CHRISTOPHILUS DUVERNOY,
KIRCHO-TECCENSIS.

AD D. NOVEMBR. MDCCXXXVI.

HOR. LOCOQUE CONS.

TUBINGÆ, Typis JOSEPHI SIGMUNDI.





Σ. Θ.

DE Themate Disputationis publicæ Inauguralis cum Domino Præside rationes conferenti mihi deliberandum non diu fuit, quodnam ex multitudine mihi propositorum, delicato seculi moderni genio congruorum, feligerem, cum ad manus essent Ipsi paginæ præsentēs, superiori jam anno alteri destinatæ, mihi nunc tanto magis opportunæ, quo frequentius circa scaturiginem similem occupatus, indagandæque ejus indolis curiosus fui.

Scilicet, postquam, ad exemplum *Zaisenhufani* fontis, *Reutlingenses* suam collegerunt scaturiginem, commoti fuerunt etiam *Bahlingenses*, ut inquirerent, quid ergo tandem boni subsit loco dudum foetore suo apud ipsos non minus infami. Fodiendo autem, per lapidis fissilis strata non admodum multa, copioso pyritæ permixta, cito devenerunt ad uberem aquæ vivæ profluxum, atque paulo profundius deprehenderunt ipsam ejus scaturiginem, divitem non minus ac perennem. Gaudet abhinc isto fonte suo novo, feris pecudique æque ac hominibus, sub laboribus æstivis non minus ac sub intensissimo frigore, numerofo admodum confluxu frequentari huc usque solito, laudantque bonitatem aquæ, cujus quantitatem etiam insignem tolerare possint quasi ad unum omnes, absque ullo incommodo, ut sanis juxta cum ægrotis ad usus quoscunque promiscue jugiter inserviat. Est autem aqua tota clara, crystallina & limpida, æstate valde oppido gelida, hyeme quasi subtepidā, proin omni tempore potui idonea, ceterum odore fortiter

deprehenſum; Ita neque in archivis ac urbariis, bibliotheca vel curia Urbis quidquam litteris conſignatum, vel memoriae proditum, ſolicite quibuſcunque omnibus perquiſitis, de ulla quondam hic locorum cognita ſcaturigine, fuit repertum.

Primam igitur, quod ego quidem ſciam haecenus, fonti perquirendo occaſionem dedit utique fons iſte, quinto demum abhinc luſtro etiam noviter non tam ſcaturire, quam innotefcere ſaltem atque celebrari coeptus, *Zaiſenhuſanus*, ad fines Wurtembergici Ducatus inferioris, verſus Palatinum ſitus, & abs Phyſico Provinciali *Dn. D. Jo. Matthaeo Brigelio*, peculiari libello in vernacula ſcripto publice declaratus. Ad huius enim *Zaiſenhuſani* fontis uſum, paralyſeos ab apoplexia in hemiplegiam terminata relictæ moleſtias ſublevatura, tendens jam tum ex *Reutlingensibus* quæpiam, cum de valetudine ipſius recuperanda ſolicitum maritum prius eo mitteret, ut commeatus atque commorationis neceſſitates ibidem curaret, hic, examinato fonte, ac dijudicato adtentius odore ejus ſulphureo, ad ſuos reverſus Magiſtratu rem expoſuit, qui laudabili prorsus juvandi publicum ardore conſilium ſtatim coepit, de fodiendo, & inquirendo in ſcaturiginem forte ſimilem, propter identitatem odoris etiam in prato domeſtico, vix horæ quadrantem ab urbe diſſito, latere non ſine ratione creditam.

Neque eventus ſpem fefellit. Etenim a longo tempore, quid quod ab omni retro hominum memoria, in prato, graminibus modo juncis famoſo, atque numeroſo ferarum, aprorum in primis cervorumque, conventu, maxime hyberno, frequentari ſolito, ſtagnans, ſed neglecta, imo propter foetorem jam ſupra dictum infamis, aqua fodiendo deprehenſa fuit ex lapide duro fiſſili ſcaturire; non amplius, ut olim credebatur, in prato ſtagnans conſpecta, nigra, turbida, ſed vitro nunc excepta alba, clara, pura, ad primam ſui originem facile proſequenda. Fodere igitur pergendo, atque ultra profunditatem viri deſcendendo, inventæ ſunt *duæ* fortes *ſcaturigines* vivæ, aquam copioſam ebulliendo ſurſum eructantes, ædicula ſuperexſtructa, atque puteo lapp. 4dratis efformato ita exceptæ, ut aquam haecenus ſuppeditent urbi non minus ac viciniæ, tam pro potu quam pro balneo, ſufficientem. Quid quod quadrimeſtri poſt, ad diſtantiam ducentorum circiter paſſuum, re-
perta

perta quoque scaturigo *tertia*, & ibidem effossus statim fuit fons alter, dictus inde hodiernum *novus*, aquæ prorsus consimilis, proventus etiam nihilo parcioris, si non fecundioris ac uberioris. Puteus prior amplius quadratus capit ultra sex amphoras Wurttembergicas, & evacuatus, vel usibus ægrorum medicis per diem consumtus, per noctem tamen toties rursus adimpletur. Aqua nec hyeme gelari, nec æstate quantumvis sicca deficere, neque pluviali, vel fluviali, aut quacunque alia turbari mutarive, unquam deprehensa. Certe de rivulo vulgaris aquæ, vix decem passibus abhinc præterlabente, multo minus de fluvio majori *Echaz*, urbem perfluente, unquam quidquam accedit ipsi.

Effossore putei voluerunt in profundo aquam deprehendisse *subtepidam*; Extraxisse *trabes* vetustas, indubios ædiculæ, jam olim priscis temporibus ibidem exstructæ, testes; Et saxo tam lapidem, quem magna quantitate effregerunt fissilem nigrum, quam albam spati, vel ut vulgo nostri vocant alabastrum venam, sed non minus etiam gagatis, sive succini nigri, vel, quod alii volunt, carbonis potius fossilis, nigriora ac splendentia frustra quandoque permixta. Priorum quædam pyritis antiquorum, den *alten Feuer* - oder *Flintenstein*, voluerunt comparari, a chalybe percussa scintillas tamen non dedisse. Alia, magis naturæ fissilis atque scissilis, diffracta continuasse intus tam *concharum*, *cochlearum*, *cornuum ammonis* &c. typos atque ectypos varios, quam pinguedinem illam in obs. præmissa jam citatam mineralem, *vitumen* liquidum, *suaveolens*, multorum manibus adtritum, & ob singularem odoris gratiam naribus admotum. Horum pulverem ferro ignito prunisque ardentibus inspersum subsiliisse, non tam scintillantes, quam salientes & quasi crepitantes particulas atque modicum fumi dedisse, ac odorem late admodum se diffundentem, non ut aqua foetidum, sed satis gratum, remanente tamen super ferrum vel carbonem adhuc multo pulvere inerte.

Talibus ejusdem phænomenis permotus pharmacopœorum nostratum aliquis etiam destillationi subiecit illos, & ex septendecim eorundem libris, per ignem sex horarum primo *phlegmatis spirituosæ* uncias quinque, dein igne sensim aucto uncias tres obtinuit *olei*, cum illo petra rubro optime comparandi, odore etiam simili, non per
ædes

ædes modo, sed plateam integram, diffuso. Liquor fuit colore subflavus, odore oleum suum modo dictum referens, sed fortior & volatilior, sapore salinus, quem cum succini sale volatili omnium optime comparandum ille quidem primo dixerat, postea vero ex phænomenis per reagentia sic dicta conspectis plane alterius indolis deprehenderat. Etenim *syrupum violarum* colore suo privavit, *virorem* herbaceum ipsi celeriter inducens. A *salis tartari* cinerumque clavellatorum solutione, atque spiritu salis armoniaci utroque, nihil quidquam mutatus. Contra vero cum *spiritu vitrioli* fortiter *effervuit*, stridorem atque strepitum edens magnum, ad albedinem turbatus, & singulariter graveolens. Quod simili prorsus modo etiam cum *spiritu nitri* factum, turbatione saltem magis flavescente. Cum *metallicis solutionibus* lunæ, mercurii sublimati, martis, veneris, vitrioli tam martialis quam venerei, atque tandem sacchari saturni, paulo minus quidem *effervescebat*, turbavit tamen ad unam omnes, quasdam ad sedimentum modo fusco brunum, alias vero ad penitus nigrum, quasi piceum.

Unde nunc ad aquam fontis ipsam, ejusdemque examen physico chymicum. Hæc ergo tam ad fontem, quam inde alio translata, modo magis est limpida, *pellucida*, *clara*, alias magis *albida*, *livida*, contentis quasi magis saturata; quod pro diversitate tempestatis potius, quam lunæ vel crescentis vel decrescens variare, minime omnium vero ab accessu sceminæ menstruata, quod de *Engstingensium* acidulis credula olim voluit antiquitas, deprehenditur. Ori non est sapida, non spirituosâ, multo minus acidula, sed ut fontana alia. Genuinis tamen hydropotis *mollior*, & quasi pinguiuscula dicta. Naribus vero omnium consensu *fætida*, vulgo quidem sulphurea, proprie tamen accensi non tam sulphuris ipsius, quam potius pulveris pyrii, aut bombardæ expurgandæ, vel nidorosum ab ovis frixis ructuum odorem, aut denique rasum recenter belemnitem, exprimere a diversis diversimode dicitur. Cum aquis nostris, tam fontana quam fluviali, hydrostatice examinata, deprehenditur istis omnibus gradu uno *levior*.

Luna cupellata solutio ipsi instillata momento temporis ex flavo rubescit, tandem fere nigrescit, cum præcipitatione simili ad fundum. Ejusdem *scobs*, s. limatura, cito nigrescit. *Frustulum* vero commu-

communis argenti per noctem in ipsa detentum, protraxi coloribus iridis satis durabilibus tinctum, Luna tandem *foliata* aquæ supernatans coloribus similibus cito tingitur, imo tandem plane denigratur. Longe aliter se habens ac

Auri folium, quod quamdiu supernatet, colorem tamen non mutat suum, sed servat integrum.

Instillatum ipsi *oleum tartari per deliquium* diu non turbavit, nec alio modo mutavit aquam. Videbatur saltem odor ejus hoc deleri. Adhuc semel instillatum, tamen eodem in statu mansit. Cum vero per noctem steterat, altero mane tamen pulvisculus ad vitri latera comparuit tenuissimus, qui concusso vitro flocculorum forma delapsus resedit ad fundum.

Spiritus salis ammoniaci cum sale tartari paratus opali nihil, sed nebulam aliquandiu dedit per partem vitri inferiorem. Altero die tamen liquor iterum clarior, residente super fundum pulvisculo tenuissimo, simili portione adhuc a vitri lateribus decutienda, non autem ut in præcedente flocculorum, sed pulvilli forma decidua.

Instillatus aquæ *Spiritus Vitrioli*, & in altero vitro *aqua fortis*, præter copiosum admodum bullularum majuscularum & minimarum ad vitri latera proventum, mutationem nullam inferunt; Odorem vero ejus magis ac diutius conservant. Illorum tamen prior altero mane inter omnes liquores mixtos conspiciebatur albidior, utut clarus, non turbatus: Et quamvis staret in vitro patulo fere per nycthemerum, odorem tamen servavit suum foetidum, atque tandem sedimentum dedit pulvisculi palliduli, qui concusso vitro ab ejusdem lateribus delapsus est, ut ab alcali fixo, forma flocculorum, sed minorum & luteolorum.

Syrupus violarum eidem affusus non tam virorem plenum, quam dubie potius ex cœruleo virescentem ab initio, tandem obscurum colorem dedit; Liquor per moram desuper brunus quasi obsoletus factus, quod nostri um - vel ab - gestanden vocant.

Limatura ferri affusa brevi temporis intercapedine ex viridi nigrescit. Decantata prima, altera similiter nigricat. Prior per noctem deponit sedimentum parcum, laxum, obscurum, cinereo brunum, aqua vero desuper inclarescit; Non minus ac altera, deponens super scobem simile iterum sedimentum obscure nigrum.

Hæc ferri scobs, sic ab aqua nigrefacta, cum inspergeretur ferro ignito, quæta quidem ibi mansit, neque fumum neque flammam concipiens; Secundum quasdam tamen sui particulas transitorie accensa per breve temporis momentum micavit, dum super ferrum ignitum caderet.

Limatura cupri non item. Etenim hæc & ipsa non mutata fuit, & aquam non mutavit. Prior rubra, altera clara mansit.

Solutio autem hic *martis* ipsius, ibi *vitrioli martis*, postquam aliquandiu nullam illatura mutationem videretur, post morem tamen altera die præcipationem aliquam factam fuisse indicavit pulvis subtilissimus, ad vitri latera fundumque collectus.

Solutio veneris, atque vitrioli de cypro venerei, & aquam tinxit, & pulverem ex illa post aliqualem temporis moram præcipitavit, colore thalassino ad cœruleum vergente.

Solutio mercurii sublimati, nec minus illa *scoriarum reguli antimonii*, momento temporis aquam faciunt flavescere, cum præcipatione successiva pulveris similis bene copiosi ad fundum, & cuticula desuper iridis coloribus imbuta.

Solutiones sulphuris, tam illa cum *calce viva*, quam altera cum *sale tartari*; nec non *solutio sacchari saturni*, statim lacteo: *Solutio aluminis*, opalino colore turbantur, atque sedimentum album mora temporis deponunt, copia bullularum ad vitri latera hærentium insigni.

Æque copioso bullularum majuscularum & minuscularum, etiam per noctem durabilium, proventu conspicua quoque fuit admixtio tam *Aceti*, quam *Spiritus Vini*; Saltem, quod hic videretur per partem liquoris superiorem ostendere quasi nebulam albidam; altero mane per totum diffusam, sine omni præcipatione: Illud vero, absque turbatione, demiserit tantillum pulvisculi, & exhibuerit adhuc altero mane, præter odorem aceti, etiam foetorem aquæ consuetum.

Lacinia panni heliotropio tincti, *tornasol* dicti, tinxit aquam colore ex violaceo cœrulescente pulchro durabili.

Lacmus contra loco violacei coloris rubedinem illi conciliavit perquam oppido jucundam.

Ligni nephritici frustula injecta diuturnam valde moram neſtunt, donec colorem tandem exhibeant conſuetum cœruleum.

Tinctura Benzoes inſtillata multum movetur, lacteſcit, innatat. Nec citius tamen, nec plus, nec aliter afficitur, aut demittit quidquam, ac ab aqua fere communi quotidie fieri obſervamus.

Nec injecta *gallarum* frustula, nec inſtillata earundem *infuſe* portio, mutationis vel nigredinis quidquam inferunt.

Lacti etiam tam ſuper ignem ebullienti, quam frigido inſuſa aqua mutationem nullam inferit, nec illud in grumos cogit, nec in hoc proventum cremoris impedit.

Cocta tamen cum ciceribus hos non emollire, nec in pulvem redigere dicitur, & exinde ad uſus domeſticos culinarios non admodum idonea judicatur.

Ceterum quemadmodum ſola ſibi relicta in vaſe patulo diutius detenta *odorem amittit* omnem, non æque tamen alia ratione vel corrumpitur vel mutatur; Sic etiam *deſtillationi* ſubjecta prodit penitus *inodora*, ſulphuris nihil quidquam, nec ſublimando, nec præcipitando, ullibi deponens, vel capiendum præbens. Quod tamen hodiernum facit ſponte ſua, ſibi relicta frigida in puteo, ubi trabes, afferes, canales quos lambit ligneos, *alba* quaſi *mollugine*, ſenſim ab aëre ſicceſcente, obducit circumcirca. Hæc enim igni admota & *flammulam* concipit *cœruleam*, & accenſi *ſulphuris odorem* ſpargit notorium, adeoque nativos *ſulphuris flores* demonſtrat.

Longe vero aliter comparatum eſt cum illo, quod in cucurbita vel veſica poſt exſtillationem ſuperſtes, partim ſub *ſedimenti* forma in fundo, partim lateribus affixum, deprehenditur. Hoc non eſt nec inflammabile, nec odorum in igne, nec in oleo ſolubile, adeoque nullo modo ſulphureum. Sed etiam nec in ore ſapidum, nec in aqua ſolubile, proinde ſimiliter etiam non ſalinum. Contra vero totum iners, inſipidum, inodorum, fatuum, adeoque potius vere *terreum*, quantitate tamen non admodum copioſum, ſed reſpectu aquarum aliarum non vulgarium ſaltem atque dulcium, ſed medicatarum quoque, ſatis *parcum*,

Unum modo eſt, prioribus ſuperaddi quod meretur. Aqua *putei*, quem dicunt *novum*, ſchematicos ſupra dictos, tantum non omnes fere, videbatur exhibere & *citius* & paulo quoque *fortius*, ex

solutionibus maxime sulphureis sedimentum præcipitare copiosius, ex lunæ cupellatæ nigrius, &c.

Quam sufficere vel tandem hæc omnino poterunt ad indagandum aquæ nostræ utriusque genium, tam viam quoque nunc parabunt nobis ad comparationem instituendam cum similibus, & declarandas inde virtutes ejusdem medicas.

Ex dictis igitur sole meridiano clarius est, prævalere in nostris fontibus foteriis, post aquæ elementum, pro basi utique constituendum, *Sulphur*, ut ab hoc aqua possit omnino dici sulphurea, majori forsan adhuc jure talis, quam multæ quidem scaturigines similes. Etenim argentum nostræ & citius & fortius denigrant, ac ipse quidem fons *admirabilis Bollenfis*, qui poculum ex argento minus puro sub viride saltim & fere croceum reddidisse, alterum ex puriore ne quidem immutasse dictus olim fuit *Jo. Bauhino*, sedulo quondam istius, quin regionis integræ perscrutatori, hodiernum omni laude digno. Neque *Zaisenhusanus* iste tam copiosi sulphuris argumenta, multo minus flores sponte sublimatos, dedit, prout ex libello supra laud. apparere inspicientibus facile poterit. Imo cochlear argenteum a sulphureis Austriæ Suevicæ Acidulis *Nidernowensibus*, etiam mediæ earum scaturigini immersum, ac per quadrihorium in ipsa suspensum & detentum, tamen rursus protractum fuisse immutatum constat ex Disp. quam de his ex professo quondam habuit *Præsidis B. Parens*; Licet harum acidularum halitus sulphureus animalia humilia, quæ offendit, necare, adeoque instar *Cryptæ* apud PECHLINUM *Swalbacensis*, vel *Neapolitanæ* illius, sese habere observatus jam olim, & in suis medicinæ memorabilibus notatus fuerit a Præsidis mei Abavo, *Joanne Rudolpho Camerario*. Meretur autem hæc vel resolutio vel admixtio sulphuris, aut eodem facta aquæ imprægnatio singularis considerari eo adtentius, quoniam nec acidum spirat, quod sub accensione sulphuris, atque principiorum hujus resolutione vel dispersione tamen alias contingit, nec ab acido præcipitatur, quod eidem ab alcali soluto alias pariter solenne norunt etiam tyrones chymicæ novitii.

Alterum, a sulphure si discefferis, memoratu dignum aquarum nostrarum vel principium, vel contentum, est *Acidum*. Mirum certe dictu vel auditu, verum tamen, certum, atque documentis

mentis supra recensitis extra omnem dubitationis aleam positum. Aqua quidem dicta nobis fuit insipida, & est actutum odora quidem fortiter, sed non sapida, non acidula, lac etiam in grumos coëgisse, vel syrupo violarum rubedinem induxisse, nunquam observata. Luculenta tamen alia acidi in ipsa delitescentis præbuit indicia. Et enim vel ex Disp. quam reliquit Præsidis *B. Parens de Schemat. Color. Infus. Lign. Nephrit. propr.* constare omnibus facile potest, quid sit, quod vel proventum coloris coerulei retardat, vel eundem jam conspicuum delet. Esse nimirum acidum, quod præstat talia, expressis verbis docetur ibidem Cap. I. §. V. Et quamvis forte contra præsentiam ejus objicere aliquis velit, quod in *Phil. Vet. & Nov. Phys.* part. 2. tract. 4. c. 5. quondam scripsit *du Hamel*: “Primum & præcipuum acidi criterium est succus heliotropii, vulgo tornesol, quem acida omnia rubro colore inficiunt.” Adeoque provocare ad experimentum cum lacinia panni succo isto tincti institutum; Tamen illico præsto est alterum, & acidum detegit *lacmus*, adeo egregie *rubefactus*. Idemque adhuc clarius erosus a *martis* limatura *crocus*, tam brevi temporis mora obtentus. Omnium vero maxime conspicuum illud reddunt *solutiones sulphuris*, tam subitaneo & copioso sui magisterii proventu, lactisque hujus, ab alcali antea soluti, ex hujus faucibus præcipitatione. Hoc acidum tamen, sicuti nec quantitate sua adeo, ac sulphur quidem, in hac aqua nostra copiosum, ita neque prorsus liberum atque sui juris, sed sulphuri prius dicto, ac adhuc dicendo alteri tertio principio, innexum, adeoque hæc quoque causa est, quod in diversis diversimode sui præbeat indicium, modo nullum, modo dubium, modo luculentum.

Altioris autem indaginis, quæstio num dicam, an suspicio saltem, ipse dubius hæreo, hæc meretur adduci, & in conflictu, si placet examinari: *An* aquis nostris unquam *plus acidi*, & hoc vel ligato, vel desciscente, vel aufugiente, odor iste demum ortus fuerit sulphureus? Occasionem ita suspicandi præbet notorium in aquis atramentosis observari solitum phænomenon, quæ nimirum juxta illud *LISTERI*: “Universæ acidulæ, certe atramentosæ, si paulo diutius utriculis servantur, sulphureum odorem spirant.” Sicuti enim, ex quo frequentius a Nostris bibuntur acidulæ tam

Smalbacenses, quam *Egrana*, harum subinde deprehenditur urceus, vel non plenus, vel non satis arcte obturatus, vel in itinere rimulam ac fissuram passus, cujus aqua non sapit amplius acidulas pristinas, sed nunc magis, nunc minus, interdum omni penitus, sapore quasi exuta & privata foetet; Ita paucis quæri posset: Num fons hic noster geminus soterius fuerit olim aliquando *acidus*, *scatebra*, uti Præsidis mei B. AVUS Dispp. suarum de acidulis primæ titulum fecit, *acida*, quæ posito, quacunque demum de causa, sapore acidulo facta nunc fuerit tam odorata sulphurea? Abiisse acidum, & superesse sulphur, paradoxum quidem, & inversus ordo credibilior, notum tamen & hoc est, dari fontes, qui vel plane demum sapidi, vel sapidiore tamen atque magis aciduli (vel, si terminus hic modernos irritet, spirituosi) fiunt ab aura quasi quadam vel spiritu, si quidem ita loqui licet, acido minerali catholico, sensuum etiam externorum testimonio istos adflante, & spirituosio sapido hoc principio aquam demum imprægnante. Quam hoc ipsum in acidulis *Boerstingensibus*, superiori demum æstate, avtoptes mirabundus vidit, & adtentius magna cum animi voluptate consideravit Præses meus, alia forsan occasione prolixius exponendum; Tam facile possunt exhalationes istiusmodi minerales, nunc tandem deficere, nunc aliorsum dirigi, vel etiam objecto alio, forte magis aut dilecto, aut congruo, dato intercipi. Specimen ejus dare nobis facile possunt non procul hinc dissitæ acidulæ *Rippelsavienses*, quæ sunt ipsissimus ille fons, cujus ex B. HOFFMANNI *Disp. d. acidul. & therm. conven. rat. ingred. & virt.* mentionem facit nunc m. B. VERDRIES in *Physic. Part. Spec. Cap. IV.* ipsum omni sapore ac virtute subito privatum fuisse, eam ob causam, quod vicinis in locis facta rupium apertura vapor sulphureus & mineralis magno impetu eruperit. Quid ergo? Num in aquis quidem ferrugineis foetor iste sulphureus ex acido & phlogisto martis semet invicem amplexantibus, ochram vero, vel metallum, sive terram Becherianam tertiam secedere, ac ad fundum cadere permittentibus? Ex fonte vero e. g. *Reutlingensi* acidum forte supra catobathmum adscendisse: atque *Engstingensium* acidulas, olim a Præside meo descriptas, dedisse, pyritarum, tanta copia in montibus nostris reperiundorum, sulphure scuturigini nostræ concesso?

De talibus cogitandi rationis sufficientis principium habere mihi videor per ea, quæ de sulphuris non deflagratione saltim ac resolutione totuplici, sed compositione etiam atque generatione, ex materiæ ignescentis coalitu cum sale acido minerali, uti passim, sic imprimis etiam in *Exper. Observ. & Animadv. Chym. Phys.* CCXXIII. inculcavit STAHLIUS, eoque ipso forsan fundamentum posuit explicando phænomeno, quod non procul ab altero fontium nostrorum contigit, satis utique singulari. Dum enim ante hos circiter sedecim annos, in vicinia fontis *Reutlingensis*, ad radices alpium, fodiendo quidam in alterum usque annum prosequerentur spati candidi venam fere perpendicularem, cui immixtum æris per paucum istos per durum quasi saxum fissilis naturæ, quinque deorsum puteis, ad 80. orgyas descendere permovit, in speluncarum harum infima, ex opposito venæ, a tergo fossorum, ubi denudata fuerat venula quædam altera, multo gracilior, ecce! ab adpropinquante fossoris lampade *flammam* illa concipit, instar spiritus vini *cæruleam*, quæ in longum se extendens ad unam alteramque ulnam, juxta ipsius tractum transversum horizontalem, tandiu duravit, donec levioris flatu studio extingueretur. Factum hoc non semel, sed toties, quoties admovebatur lampas, in & per mensem unum atque alterum. De isto lapide sic ardere viso, quoties aliquid decutiebatur, flammam hoc nec ostenderat nec conceperat amplius. Flammula etiam neque spatium, neque lapidem, ex quibus tamen videbatur erumpere, nec consumsit, nec in colore aliisve quidquam mutavit, ut ut ignis non fatuus fuerit, sed satis efficax, quippe *stannum* atque *plumbum* ipsi admotum *liquans*, *tabacum* in fistula fossoribus *accendens*. Ignem ita concepisse vena dicebatur lampade adhuc quinque vel sex pollicibus ab eodem remota, hujus flammulam ad se quasi traxisse aut rapuisse visa, illico deinde per omnem sui tractum flagratura. Factum hoc omne *ab initio diu fuit abque* ullo odore sulphureo, vel *fumo* gravi, absque ullo fossorum præjudicio, quid quod magno potius cum ipsorum & commodo & lucro, quippe *aëre* ab hinc statim *libero & salubri*, nullo follium flatu amplius indigo, fossoribus autem nunc habentibus, quod curiosis pro mercede monstrarent advenis undique confluentibus. Tandem vero *flamma* cœpit *invalescere*, & hanc aër concipere etiam extra & ultra *venæ illius*

illius tractum, quin *per puteum* infimum denique *universum*, maxime cum ab opere quievisset aliquandiu *fossor*; Unde factum, ut, postquam horum unus & alter iterum descenderet, ab ejus autem lamdade putei aer flammam statim cociperet, ipsumque capillis, facie, pectore, quin ubi non, graviter *adureret*, fodina, jamdum metalli necdum quidquam suppeditans, tandem penitus delinqueretur.

Sed ad tertium aquæ nostræ principium, a prioribus bene diversum. Experimentorum, sollicitè abs me institutorum, ac quantum fieri potuit perspicue recensitorum, fide aqua nostrâ continet etiam aliquid *terræ alcalinæ*, qualem *calcariam* LISTERUS vocat. Quod alio sensu poëta cecinit: Vitiis nemo sine nascitur: optimus ille, qui minimis urgetur. Illud ad hanc terram quoque suo modo applicari poterit. Pauca admodum, si non planè nullæ, nobis sunt aquæ, omnis terræ penitus expertes. Usque tamen una alteri terræ talis vel largioris vel parcioris, crassioris vel tenerioris proventu solet vel æquiparari, vel etiam præferri. Imo ne quidem aquæ a virtutibus suis medicatæ dictæ destituuntur ista, adeo, ut receptum ac civitate physico medica tamdiu donatum nomen acidularum velit hodie vocari in dubium, quin istis plane non concedi amplius, quod instituto cum ita dictis reagentibus examine deprehendantur potius antacidæ, terræ alcalinæ plura, quam acidæ quidem, exhibentes signa. Quicquid autem hujus sit, terræ præsentiam evincit tam quod de oleo tartari per deliquium, ac spiritibus acidis quoque dixi, quam quod de coctione atque destillatione adduxi. Nec est, quod quis causetur, in vicino fonte *Nidernovvensi* signum coctæ satis pro balneo aquæ esse *cutem* concrecentis per superficiem & *innatantis*, atque ad aheni latera concrecentis *sulphuris*. Etiam qui frigidam ex eodem vitro bibunt, ibi diutius, quoties desistunt, totidem circulos quoque vitrum nancisci ad superficiem suam internam, quæ inde tandem fiat asperula, frustra quadam sulphuris obduci dicta, a quali mundare ista, aliorum transportandis acidulis diutius inservientia, tantam aquæ bajulis creet molestiam. Quale quid etiam de *Zaisenhufana* aqua relatum audio, scil. vitrum, quod ad bibendam aquam per quatuor curæ septimanas ægrotorum aliquis usus fuit, intus contraxisse crustam albam asperulam, ab incolis

pro sulphure venditam, ac aquæ bonitati adscriptam. Scilicet hæc omnia concrementa non sunt Sulphur; unde nec flammam carbonibus injecta concipiunt, nec sulphur olent, sed ut omnis alia iners fatua terra jacent, & immota manent. Cum hac igitur terra stans in conjunctione acidum dicitur occultatum, in vagina reconditum, proinde non amplius liberum, sed cujusdam enixi naturam induens, viribus tamen medicis nihilofecius idoneum.

Antequam vero nunc ulterius progrediar, & ab aquæ principiis hætenus enarratis ad ejusdem virtutes, atque deducendum inde usum medicum, transeam, agendum mihi adhuc prius aliud quid sentio, fatendumque paucis, quid in aqua nostra non deprehenderim. Scilicet laud. *Dn. D. Brigelius* ex Aqua Zaisenhufana obtinuit quidem *salis* cujusdam *enixi* speciem. Ego vero ex nostris capere *nihil* quidquam potui, quod in lingua sapidum, in aqua vero fuisset solubile. Quantumvis præter calcarium lapidem, & pyritem germinantem, etiam sal culinare aquis talibus subesse velit LISTERUS, & aquam marinam ex terræ profundo accersat BECCHERUS. In vicinæ tamen illius metallifodinæ prius dictæ Reutlingensis puteis inferioribus, tertio & quarto, collecta satis copiose aqua fuit notorie, prioris quidem prorsus, ut foterii fontis nostri, insipida, sed sulphuree odora, argentum ipsi immersum cito tingens circulo, prius saltem flavo, tandem post iridis colores nigrescente: posterioris autem inodora, sed manifeste *salsa*, salis quoque culinaris *cubulos*, super prunam insigniter *crepitantes*, via consueta suppeditans. Undenam ista derivari vel debeant vel possint, disputatum diu fuit. Meum jam non est, lites recoquere sepultas. Quæstionem tamen subterfugere vix potero prius dictis analogam: Num terram supra dictam a sale in ipsam fatisciente? An a calcario lapide, quem forte præterfluentes in profundo aquæ lambant, potius deducere liceat?

Alterum, quod in aqua nostra pariter non deprehendi, *Mars* est. Fontes nostri *non* sunt *Atramentosi*, scatebræ non ferrugineæ. Grande vitium in forma. Profecto nec ochræ, nec ab infuso gallarum nigredinis, nec in aqua saporis atramentosi quidquam conspicui aut reperiri abs me potuit, bene gnaro eorum, quæ de pyritus subtus germinatione toties allegat modo laud. LISTERUS; nec

immemore illius bonæ admodum notæ *vitrioli martialis*, quod ex iisdem pyritis apud nos collectis allegatorum antea metalli fossorum Director magna copia tum paraverat. Voluit quidem annis superioribus ferrum quasi universale fieri, nec saltem ex quocunque bolo communi pigmentario mineram ferri splendidissimam copiose admodum producere STAHLIUS *Observ. Chym. Phys. Mens. III.* docuit, verum etiam ulterius ac eousque postmodum *Academia scientiarum Regia Gallica* processit, ut: *Dari sibi cineres sine ferro publice* postulaverit. Ex hoc fundamento quoque factum procul omni dubio fuit, quod & laud. Dn. D. BRIGELIUS *aqua Zaisenhufana solutionem martis* quodammodo *vitriolico aluminosam*, loc. cit. cap. V. §. 1. adscripserit, & de *marie*, nunc *embryonato*, nunc nescio quo non alio, in acidulis *Nidernovensibus*, *Deinacensibus*, ac passim alibi reperiundo, alii mussitaverint. Verum enim vero omnium horum ego tam non curiosus sum, quam qui maxime incurius; Nec mirari satis possum, qui fiat, quod aquas medicatas hodie velint omnes fieri ferrugineas, nec habere pro talibus amplius, martis quæ sunt expertes. Ut enim de fontibus infra non minus quam supra magnum Ducatus Wurtembergici Catobathmum sitis, vere martiatibus, *Bergensi*, *Rippelsaviensi*, *Imnaviensi*, *Bieringensi*, atque *Boerstingensi* novo, nihil dicam; Neque *balneorum ex scoriiis martialibus*, ad *Brentam*, *Glattam* ac *Danubium* fluvios, magno numero facillime parandorum, ne mentionem quidem faciam: Nemo certe medicorum est, quem lateat, martiale neque morbis, neque personis omnibus ita promiscue convenire; Tonicorum vero hodie tam laudatorum classem angustis martialium cancellis nolle constringi; Denique martialia juxta cum aquis medicatis usurpari, omnibusque tam ægroti quam morbi circumstantiis adcommodari, facile posse.

Ita vero sensim ad virtutes aquæ nostræ utriusque, ac ad usum ejus tandem medicum multiplicem devolvor. Optarem, fontium nostrorum bigæ rhetor obtingeret, dictione sua Lectoribus persuadere, magnumque quotannis hospitem ad fontes confluxum concitare potens. Vino tamen jamdum vendibili suspendenda demum hederanequidem opus est. Hac bona spe fretus procedam & ego in hoc negotio Therapeutico, & conquiram, quod ad rem utcun-

que

que quidem facere videbitur. Præcipuum igitur, quo Reutlingensium & Bahlingensium hæc aqua soteria sese commendat, est *Sulphur*, verum, minerale, integrum, intime eidem permixtum. De hoc autem ex SCHROEDERO DALE in *Pharmacol.* suæ Part. I.

“ Sulphur calidum & siccum est, pectori dicatum. Aperit, incit,
 “ dit, putredini, veneno, venenatorumque animalium morsibus
 “ resistit, sudorem provocat. Hinc conducit in Phthisi, tussi,
 “ asthmate, peste, pestilentialibusque febribus. Exrrinsecus di-
 “ scutit tumores duros, sanat lichenes, pruritus, &c., Vulgus
 novit, & inconsulto medico usurpat illud tanquam antipsoricum,
 tam certum & specificum, ut externe adhibitum ad interiora repel-
 lat, intus autem assumptum ad peripheriam corporis expellat scabiem,
 & impuritates cutaneas ulcerosas quascunque. Quemadmodum
 igitur hoc nomine sese commendavit olim aqua *Bollensis*, ut specio-
 sum *fontis admirabilis* titulum reportaverit: Et recentior aqua *Zai-
 senhusana*, ut tanto hominum cujuscunque ordinis atque sexus con-
 fluxu frequentata fuerit, atque tam morborum quàm ægrotorum,
 intra primum modo triennium ibi sanatorum, seriem adeo nume-
 rosam laud. libellus contineat: Nec minus *Acidula Nidernowenses*,
 quarum tanta quantitas hodiernum in hanc civitatem per bajulos
 quotidie adfertur; Sic omnia & singula, quæ de hisce tribus, istis-
 que similibus aliis, dudum consignata litteris passim prostant, in
 usus meos convertere, ac, ut Comicus habet: mutato nomine, de
 Te fabula narratur, de nostra etiam scaturigine gemina, & eo
 majori quidem jure, buccisque turgidioribus, prædicare licebit,
 quo sulphuris illa notorie plus habet, neque tamen facultatibus re-
 liquis priorum ulli cedit. Scilicet ut alterum atque tertium effica-
 ciæ medicæ fundamentum quoque subjungam, *acidum* illud, quod
 cum *terra* pauca tam amico stare connubio, & hac ipsa infringi,
 occultari, ac in *enixi* quandam speciem transire supra dixi, prius
 dictis adeo nihil derogat, ut laudatas sulphuris virtutes potius ex-
 altet ac promoveat, istisque abstersivas atque temperantes super-
 addat. Nec est, quod obliviscamur *aqua*, tanquam menstrui, in
 quo soluta detinentur, atque ad intimos quosque corporis recessus
 deferuntur, quin actuantur, priora omnia.

Quoniam vero rationibus quibuscunque quam speciosissime etiam conquisitis, longe tamen præstantior ab omnibus creditur experientia circumspecte facta, ac sub incudem cautelarum medicarum revocata, qualium tamen non una de nostris fontibus mihi suppetit, agedum, audiamus istas, & exemplis istiusmodi curarum invitemus, vel alios, vel priorum tamen similes.

Habe igitur primo virum *senem*, qui per 14. septimanas *pede sinistro dolens* (an erisipelaceo magis, an podagrigo potius modo, controvertebatur.) atque a fura ad extremos digitos *tumens*, diu frustra tractatus a chirurgis, tandem aquæ huius potu atque balneo lutique fotu topico, brevi sanus ad suos reversus est.

Huic ad latus pone coætaneum, *podagricum veteranum*, propter *obrigescentes* pedum *articulos* dudum sellæ mensæque saltem suæ quasi adfixum, qui in aqua semel modo transvecta balneavit ter, totidemque diebus mensuram unam successive bibit, & hinc per domum suam rursus ambulavit adjutus baculo, quod a vel quinque retro annis non factum amplius.

Adjunge *sexagenarium*, tam graviter *cardialgicum*, ut a pressione, strictione, dolore, ardore, sub scrobiculo cordis frequentibus ac diuturnis, cum urinæ tinctura aurantia, alvo tarda, corpore *tabescens*, crederetur suis proxime futurus *hydropicus*. Nihilominus ab his molestiis eluctatur omnibus, & restituitur feliciter pota per tres septimanas, mane ac vesperi, aquæ libra primo saltem una, progressu dierum altera, quin tertia.

Adde, si placet, *asthmaticum* tantum non desperatum, facie luridum, pedibus tumidum, *cachexia hydropica proximum*, quinquagenario etiam majorem: Et mirare, hunc intra mensis spatium, pota sensim, ac tandem quotidie, mensura integra, expectoratione, alvo & urina liberaliter motis, tam plenarie convalescere, ut facie floridus, corpore impinguatus, pedibus non amplius tumens, libere iterum respirans, egregie adpetens, adeoque quasi totus reviviscens, quantum constat, hodiernum supersit.

Socium hic facile admittet *Hæmoptoicum*, etiam non novitium, nec cui intra sputi saltem cruenti terminos malum substitit, sed libris rejectus sanguis toties æstimatus fuit; abhinc vero, etiam
 ger

per intervalla quæta, mansit pectoris oppressio, cum difficultate respirandi magna, cordis palpitatione, & omnibus credita *phthisi*, non demum imminente, sed jam facta formataque. Hic, circumspectius talia quidem esse tractanda facile secum reputans, tentare prius saltem cœpit, num & quomodo tolerare hanc aquam possit, adeoque sorbillando potius, quam ita haustibus ingurgitando, periculum rei fecit. Negotio autem, præter spem & expectationem omnium, bene procedente audentior factus, processit ad libram primo unam, tandem & alteram, atque ita continuavit in mensem fere tertium, restitutus profecto quasi ad miraculum ab hæmoptoë, & ereptus ex *phthiseos* sive faucibus, sive tamen periculo non longinquo.

Multo minus repudiare hic poterit æmulum suum, annis quidem adhuc inferiorem, nec unquam, quod novi, hæmoptoicum, contra vero *phthisi* pulmonali, atque *hectica* vel intestinali vel mesaraica, eidem notorie superiorem, certe *spuito alvoque purulentis* declaratum, tabe penitus consumptum, pedibus tumidum, &c. Hunc equidem non ausim ego dicere restitutum. Bona tamen fide in honorem fontis nostri licebit dicere ipsum huic imprimis debuisse vitam suam in annum usque alterum servatam. Etenim, ex quo aquæ hujus potum in vini locus suffecerat, precipitem certe mali sui gravioris lapsum non modo quasi sistere, verum etiam reculas suas aliquantum restituere, officio iterum vacare suo, nec domi saltem semet sustentare, sed subinde in publicum etiam prodire, quin imo favente aëris benigni Clementia peregre amicos vicinos visitare potuit.

Et cum prætoris quondam *Reuttlingensis* Conjux, primam efodiendo fonti occasionem dedisse supra dicta, ab apoplectico insultu *hemiplectica*, membris quidem suis, illæso imprimis latere, satis omnino roborata, motus tamen libertati plenariæ nunquam restituta, adeoque paralytis ejusdem ab hoc fonte sublata non fuerit, (Neque vero pudere ipsum hujus debet, bona potius fidē agendum; nec reticendum est, sicubi remedium frustra fuerit adhibitum.) Substitui tamen eidem facile alia poterit, quæ post turbationem corporis apoplecticam, sensu motuque quidem recuperatis, *aphoniam* tamen servavit gravem, ut valde *mogilalos* intelligi

intelligi vix ac ne vix quidem a quoquam amplius potuerit. Profecto & huic, unius mensis spatio, aquæ sulphuræ liberali potu, loquela fuit restituta.

Cardialgia, Colica, Nepritide tam simplice quam varie fabulosa & calculosa, *Dysuria, Stranguria, Febris longis, artuum doloribus & impotentiis* variis diversimode vexatos, longoque medicamentorum usu spe omni frustratos, penes fontium vero nostrorum alterutrum consolatos, ejusdemque potu mirifice adjutos sanatosque, tam utriusque urbis cives, quam ex vicinia passim confluentes, recensere possem magno numero. Sed ad externum aquæ usum properans, hujus etiam specimina quædam enumerabo.

Prodeat hoc nomine primo grandævus *senex*, *barycææ* suæ pertæsus, & ab eadem feliciter liberatus, aqua sulphurea, proprio consilio in aurem immissa. Certe vix per triduum hoc ita primo saltim tentaverat, cum cessare statim auris strepitus atque murmura, auditum contra redire distinctius animadverteret. Unde hoc postea bis vel ter in die repetens, ac super autem alteram toties interea recumbens, perque mensem fere integrum ita continuans, auditum recuperavit utraque aure tam exquisitum, ac per omnem vitam suam antea non habuerat.

Oculorum corneam a variolis nuper demum perpeffis *nebula, ungue, panno* varie obductam, linteolis aqua nostra saltem frigida madidis jugiter obvelatam, conjuncto aquæ usu interno quoque, perspicuitati pristinae restitutam, adhucdum gaudent hic quidem filioli unici superstitis, ibi vero filiolæ formosæ parentes.

Lippitudinem juvenulæ nondum menstruatae simili prorsus modo usurpata penitus sustulit, non saltim serenitatem crystallinam atque siccitatem decoram, juxta cum visus acie, oculis procurans, verum etiam ulteriori usu interno menses opportune provocans.

Coætaneæ, similiter adhuc impuberi, alternis vicibus nunc graviter *lippienti*, nunc *manibus* oedematose *tument*, & cuticulæ in his mirum quam distentæ rupturam, atque cum hac exulcerationem posthac tædiosam quotidie metuenti, impense profuit junctus potui externus quoque, tam balnei universalis, quam dicto prius modo super oculos topicus, aquæ usus, vicissitudinem istam morbosam

bosam abigens, menstruam vero ætati congruam in locum prioris sufficiens.

Ulcerosorum atque *scabiosorum* si censum instituere, atque singula, mihi saltem quæ innotuerunt, exempla recensere vellem, næ tædium Lect. Ben. crearem. Sunt speciminis gratia saltem duo:

Senis illius, quem primo omnium loco exhibui, *famulus*, *scabiosas manus* mundaturus, illas aqua quotidie ter lavat, & cito recuperatam munditiem gaudet. Suasu tamen heri sui ad bibendum quoque posthac invitatus, tanto magis ipsum facti cito poenitet, quod nunc toto corpore pruriens *plene* demum *scabiosus* fieri cum cordolio inciperet. Bono tamen animo ipsum esse, atque potu pergere, postmodum vero balneum adjungere, herus jussit, atque dictis obsequentem plenarie mundatum quoque secum abduxit.

Gravior longe status, sed non minus felix restitutio fuit illius *dulciarii*, quem *maligna scabie ulceroso crustosa* misere defoedatum, omnibusque corporis sui humoribus corruptum, subsidiis vero destitutum, ac ad incitas fere penitus redactum, Præses meus Reutlingam concedere, ad per mensem integrum, juxta cum potu diurno nocturnoque, balneare jussit, successu tam exoptato, ut crustis squamisque omnibus decidentibus, cutis nitida molitiem ac integritatem, sanguis puritatem ac dulcedinem, corpus autem carnes viresque pristinas recuperaverit.

T A N T U M !



Handwritten text in a cursive script, likely a letter or a page from a manuscript. The text is written in a dark ink on aged, slightly discolored paper. The handwriting is fluid and continuous, with some words appearing to be underlined or emphasized. The text is arranged in several lines, filling most of the upper half of the page.

